

The Life of the Grasshopper

*Tu, Cigalo, as un biais pèr la set: dins la
rusco*

*Tendro e jutouso d'uno busco,
L'aguio de toun bè cabusso e cavo un pous.
Lou sirò monto pèr la draio.*

*T'amourres à la fon melicouso que raio,
E dòu sourgènt sucra bèves lou teta-dous.*

*Mai pas toujours en pas, oh! que nàni: de
laire,*

*Vesin, vesino o barrulaire,
T'an vist cava lou pous. An set; vènon,
doulènt,*

*Te prène un degout pèr si tasso.
Mesfiso-te, ma bello: aqueli curo-biasso,
Umble d'abord, soun lèu de gusas insoulènt.*

*Quiston un chicouloun de rèn; pièi de ti resto
Soun plus countènt, ausson la testo
E volon tout. L'auran. Sis arpioun en
rastèu*

*Te gatihoun lou bout de l'alo.
Sus ta larjo esquinasso es un mounto-davalo;
T'aganton pèr lou bè, li bano, lis artèu;*

Tiron d'eici, d'eilà. L'impaciènci te gagno.

*Pst! pst! d'un giscle de pissagno
Aspèrges l'assemblado e quites lou ramèu.
T'en vas bèn liuen de la racaio,*